



ОУСѢКНОВѢНІЕ ЧЕСТНЫЯ ГЛАВЫ,  
ЧЕСТНАГО СЛАВНАГО ПРРОКА ПРТЕЧН Н КРТИТЕЛА ІОАННА.

РЕДАКЦИА И СОСТАВЛЕННЕ Г. СМІРНОВА

КРЕСТОВОЗДВИЖЕНСКІЙ ХРАМ В АЛТУФЬЕВО

## СОДЕРЖАНИЕ

На Господи возвах (Текст).....	3
На Литии, глас 1. Подобен «Что вас наречем, сятии» (Напева Оптиной Пустыни). Излож. Г.Смирнова.....	5
На Литии (Текст).....	6
На Стиховне (Текст).....	7
На Утрени (Текст).....	9
Акафист .....	10
На Хвалитех, глас 8. Подобен «О преславнаго чудесе!» (Напева Оптиной Пустыни). Излож. Г.Смирнова.....	27
На Хвалитех (Текст).....	30
На Литургии (Текст) .....	32
Молебное пение о страждущих недугом винопития или наркомании .....	33

Усекновение главы святого славного пророка, Предтечи и Крестителя Господня Иоанна.

## НА ВЕЛИЦЕЙ ВЕЧЕРНИ

Стихологисуем **Блажен муж: первый антифон.**

**На Господи, воззвах: поставим стихов 8 и поем стихиры самогласны, Иоанна монаха, каждую стихиру по дважды.**

**Глас 6-й:**

**1. Стих:** Из глубины воззвах к Тебе, Господи,/ Господи, услыши глас мой.

**2. Стих:** Да будут уши Твои/ внимлюще гласу моления моего.

**Рожеству сотворяему безстуднаго Ирода,/ скверныя плясавицы исполняшеся сложение клятвы:/ Предтечева бо глава, отсекшися, яко снесь,/ ношашеся на блюде возлежащим./ О, пира мерзка,/ неприподобна деяния и убийства исполнена!/ Но мы Крестителя, яко в рожденных женами больша, // достойно чтуще, ублажаем.**

**3. Стих:** Аще беззакония назириши, Господи, Господи, кто постоит;/ яко у Тебе очищение есть.

**4. Стих:** Имене ради Твоего потерпех Тя, Господи, потерпела душа моя в слово Твое,/ упова душа моя на Господа.

**Пляса ученица вселукаваго диавола/ и главу твою, Предтече, мзду взят./ О, пира, исполнена кровей!/ Лучше бе не клятися,/ Ироде беззаконне, лжи внуче./ Аще ли же и клялся еси,/ но не о добре клялся:/ лучше бе солгавшу жизнь получитьи,/ неже истинствовавшу главу Предтечеву усекнути./ Но мы Крестителя, яко в рожденных женами больша, // достойно чтуще, ублажаем.**

**5. Стих:** От стражи утренния до нощи, от стражи утренния,/ да уповает Израиль на Господа.

**6. Стих:** Яко у Господа милость и многое у Него избавление:/ и Той избавит Израиля от всех беззаконий его.

**Не** подобаше ти, о Ироде, / прелюбодеянию обличителя, / ради рачения сатани́нска / и разжжения неистовнаго блуда смертию осудíti. / Не подобаше ти того всечестну́ю главу / пребеззаконной жене ради клятвы плясания предати бѣдне. / О, како дерзнул еси таково убийство совершíti! / Како же не опалися скверная плясáвица, / посреди пира на блюде нося́щи сию́? / Но мы Крестителя, яко в рожденных женами бѣ́льша, // достойно чту́ще, ублажаем.

**7. Стих:** Хвалите господа вси языцы, / похвалите его́ вси лю́дие.

**8. Стих:** Яко утвердися милость Его на нас, / и истина Господня пребывáет во век.

**Паки** Иродиа бесится, паки смущáется. / О, плясания льстивна и пира с лѣстию! / Креститель усекашеса и Ирод смущáшеса. / Молитвами, Господи, Твоего Предтѣчи, // мир пода́ждь душам нашим.

### **Слава, глас тойже:**

**Рождеству** сотворяему безстуднаго Ирода, / скверныя плясáвицы исполняшеса сложение клятвы: / Предтечева бо глава, отсѣкшися, / яко снѣдь ношашеса на блюде возлежа́щим. / О, пира мерзка, непреподѣбна / деяния и убийства испѣлнена! / Но мы Крестителя, яко в рожденных женами бѣ́льша, // достойно чту́ще, ублажа́ем.

### **И ныне, Богородичен, глас тойже:**

**Кто** Тебе не ублажит, Пресвятая Дѣво; / кто ли не воспоет Твоего Пречыстаго Рождества; / безлетно бо от Отца Возсиявый Сын Единорѣдный, / Тойже от Тебе, Чистыя, прѣйде, / неизреченно вопло́щся: / естеством Бѣ́г сый, / и естеством быв Человѣк нас ра́ди, / не во двою лицу Разделя́емый, / но во Двою Естеству неслитно Познава́емый. / Того моли, Чистая, Всеблаже́нная, // поми́ловатися душáм нашим.

# На литии

## Глас 1. Подобен "Что вас наречем, святии?"

Напева Оптиной Пустыни

Излож. Г.Смирнова

C.  
A.

Что ты на-ре-чем, про-ро - че? Ан - ге - ла ли?

T.  
B.

а - пос - то - ла ли? и - ли му - че - ни - ка?

Ан - ге - ла, зане яко бесплотен по - жил е - си.

А - поста, яко научил еси я - зы - ки.

Мученика же, яко твоя глава за Христа усе - че - ся.

Е - го - же моли помиловати ду - ши на - ша.

## На литии

### стихиры самогласны, глас 1: [Германа патриарха:]

**Что** ты наречем, пророче?/ Ангела ли? апостола ли? или мученика?/ Ангела, зане яко безплотен пожил еси./ Апостола, яко научил еси языки./ Мученика же, яко твоя глава за Христа усечется.// Егоже моли, помилувати души наша.

**Отсеченной** главе Предтечеве/ память совершаем,/ тогда убо на блюде источаючи кровь,// ныне же в концевх проливаючи исцеления.

**Днесь** непреподобноделообразная мати убийства,/ еже от беззаконнаго сплетения своего всескверную дочь,/ над всех пророк богоизящна большего,/ убийственнообразным советом лукавствова:/ враждебному бо Ироду творящу пир/ своего сквернаго рождества с клятвою испросити устрои,/ чудоточную богопроповедника честную главу./ Еже и соверши пребезумный,/ женскому плясанию дав ту возмездие,/ клятвенный дар: обаче не преста таинник Христова пришествия,/ богомерзкое смешение их и по кончине обличати,/ но обличая вопияше:/ не подобает ти, глаголя,/ прелюбодействовати брата твоего Филиппа жену./ О рождения пророкоубийственна,/ и кровей наполнена пира!/ Мы же благочестномудренне, во усекновении Предтечеве,/ белообразующе празднуем,/ яко в благонароचितый день радуящися:/ и умолим сего благоусердствовати Троицу,/ от страстей безчестия избавити нас,// и спасти души наша.

### Глас 4:

**Рождение** неподобно, и пир безстуднейший Ирод совершил есть: любодейством бо женским услаждаемь, и нечестивым женонеистовством подстрекаемь, отсече главу Предтечеву: но не отсеке языка пророческа, обличающаго безумие его. Пролия кровь неповинну, покрыти хотя грех

беззаконен: но ни о сем скры гласа, вопиющего всем покаяние. Он убо свеселяшеся убийством. Мы же спразднуем любовь, Крестителя Иоанна блаженное закление. Предвари бо во аде жизнь, проповедати сущым во тьме и сени смертной сидящим, Свыше Восток, Христа Бога нашего, Единого Многомилостиваго.

**Пророка и мученика, и Крестителя Спасова, приидите людие восхвалим: сей бо во плоти ангел сый, Ирода изобличил есть, пребеззаконнаго любоддеяния содеянием осудив его. и беззаконнаго ради плясания, честная глава отсекается: сущым во аде благовествуяй, из мертвых воскресение: и молится прилежно Господеви, спастися душам нашим.**

**Пророка и мученика, и Крестителя Спасова, приидите людие восхвалим: яко бегая в пустыни водворяшеся, мед дивий и акриды ядый, царя беззаконнуюша обличил есть. Наше же малодушие утешаше, глаголя: покайтесь, приближи бо ся Царство Небесное.**

### **Слава, глас 5: [Иоанна монаха:]**

**Беззаконнаго деяния обличения убежати Ирод умыслив, / главу твою, Предтече, / беззаконней жене предаде пакостно: / не разуме бо окаянный обличая себе, / на блюде обнося ю. / Но яко чистоты детельный учитель, / и покаяния наставник спасительный, / молися, Крестителю Христов, // от страстей безчестия избавити нас.**

### **И ныне, глас тойже:**

**Воспойте, людие, / Матери Бога нашего, воспойте: / днесь бо всесветлую душу Свою в пречистыя длани, / Иже из нея Воплощагося без семене предаёт: / Егоже и молит непрестанно, // даровати вселенней мир и велию милость.**

## НА СТИХОВНЕ СТИХИРЫ САМОГЛАСНЫ, ГЛАС 2:

**Покаяния** проповѣднице,/ Иоанне Крестителю,/ отсечѣне  
бывшей твоѣй главѣ,/ землю освятѣл еси,/ занѣ закон Бо-  
жий верным уяснѣл еси/ и беззаконіе потребѣл еси,/ яко  
предстоя престолу Небеснаго Царя Христа, // Того моли  
помиловати души наша.

**Стих:** Праведник, яко финикс процветет,/ яко кедр, иже в  
Ливане, умножится.

**Закона** ради Господня во главу усекновен был еси,/ о,  
всесвятый Иоанне!// Обличил еси царя злочестива,/ без-  
законновавша дерзновением непорочным./ Темже дивятся  
тебе воинства Ангельская,/ славят тя лица Апостол и  
мученик./ Чтим твою и мы летнюю память, всеславне,/  
славяще Святую Троицу, тебе Венчавшую, // Предтече  
преславне.

**Стих:** Возвеселится праведник о Господе/ и уповает на  
Него.

**Иже** от пророков пророк/ и болий пророков быв,/ из  
чрева материя освященный в служение Господне,/ днесь  
от беззаконна царя во главу усекновен бысть,/ и безчест-  
но плясавшую отроковицу,/ ясно и прежде усекновения и  
по усекновении обличив,/ посрами греха полк./ И сего  
ради возопиём:/ Крестителю Иоанне,/ яко имея дерзно-  
вение, // прилежно молися о душах наших.

### Слава, глас 8-й:

**Предтече** Спасов,/ ты царя изобличил еси беззакония не  
делати./ Темже играние беззаконныя жены/ повину Иро-  
да отсеци твою главу,/ и сего ради от восток солнца даже  
до запад/ хвально имя твоё./ Дерзновение имея ко  
Господу, // прилежно моли спастися душам нашим.



## И ныне, глас тойже. Богородичен:

**Безневѣстная Дѣво,/ Яже Бога неизреченно заченши плóтию,/ Мати Бóга Вы́шняго,/ Твои́х рабов мольбы приими, Всенепорóчная,/ всем подаючи очищение прегрешéний:/ ныне наша молéния приéмлюще, // моли спастися всём нам.**

### На благословении хлебов, тропарь, глас 2:

**Пáмьять праведнаго с похвалáми,/ тебé же довлеет свидетельство Господне, Предтéче:/ показáл бо ся еси воистинну и пророков честнѣйший,/ я́ко и в струях крестити сподобился еси Проповéданнаго./ Тёмже за истину пострадав радуясь,/ благовестíл еси и сущым во аде Бога явльшагося плóтию./ Взёмлющаго грех мíра, // и подающаго нам велию мíлость. **Дважды.****

**и Богородице Деве, единожды, и чтение.**

## НА УТРЕНИ

### Тропарь Предтечи, глас 2:

**Пáмьять праведнаго с похвалáми,/ тебé же довлеет свидетельство Господне, Предтéче:/ показáл бо ся еси воистинну и пророков честнѣйший,/ я́ко и в струях крестити сподобился еси Проповéданнаго./ Тёмже за истину пострадав радуясь,/ благовестíл еси и сущым во аде Бога явльшагося плóтию./ Взёмлющаго грех мíра, // и подающаго нам велию мíлость. **Дважды.****

### Слава и ныне, Богородичен, глас тойже:

**Вся́ паче смýсла,/ Вся́ преславная Твоя, Богородице, та́инства,/ чистотé запечатанной, и девству храни́му,/ Мати позналася еси нелóжна,/ Бóга рождши íстиннаго; // Того моли спастися душáм нашим.**

## АКАФИСТ СВЯТОМУ ПРЕДЧЕТЕ ГОСПОДНЮ ИОАННУ

Память празднуем 21 января, 9 марта, 7 июня, 7 июля, 11 сентября, 6 октября

### Кондак 1

Избранный от лет древних быти Предтечею и Крестителем Спасителя мира Христа Бóга, / Иоáнне богохвáльне, прославляюще прославльшаго тя Гóспода, / похвáльная восписуем ти, яко большему всех рожденных женами, / во плоти ангелу, покаяния проповéднику. / Ты́ же, я́ко имéяй велие дерзновение ко Гóсподу, / от всяких бéd свобождая и к покаянию воздвизай нас, любовию тебе зовúщих: //

**Рáдуйся**, великий Иоáнне, Пророче, Предтече и Крестителю Госпóдень.

### Икос 1

**Архангел** Гавриил, предстояй пред Богом послан бысть ко иерею Захарии, егда той служба по чину чреды своея, вниде покадити в церковь Господню, и, представ одесную алтаря кадильнаго, благовествоваше о твоём рождестве, великий Иоанне, возвещая Захарии радость и веселие и яко мнози о рождестве твоём возрадуются. Сего ради и мы, дивному о тебе Божию благоволению чудящися и радующися, со благоговением в похвалу тебе вопием:

**Радуйся**, Совета Божия неизреченного таинниче; радуйся, дивнаго смотра Его исполнение. Радуйся, прежде лет многих пророчеством Исаии проявленный; радуйся, вестниче пред лицом Господним, древне прореченный. Радуйся, предназначенный быти великим пророком Вышняго; радуйся, по обетованию Ангела рожденный. Радуйся, еще во чреве матери твоея Духа Святаго исполненный; радуйся, прежде рождества твоего на великое служение извещенный. Радуйся, неплодства родителей разрешение; ра-

дуйся, иерея Божия радость и веселие. Радуйся, дочери Аароновы прозябение; радуйся, плод молитвы Богодарованный.

**Радуйся, великий Иоанне, / Пророче, Предтече и Крестителю Господень.**

### **Кондак 2**

**Видя Захария явльшагося ему Ангела, смутися, и страх нападе на нь, и не верова словесем благовестия его о рождестве твоём: егда же за неверие немотою связан бысть, удивляшеся преславному чудеси, всем сердцем вопия Богу: Аллилуиа.**

### **Икос 2**

**Разум неуразумеваемый разумети ищуще людие, ждущие Захарию, чудяхуся, умедлившу ему в церкви; изшедшу же ему и не могущу глаголати к ним, но токмо помагающе, разумеша вси, яко видение виде в церкви. Мы же, прославляюще дивнаго Творца чудес, Бога, вопием тебе такоя:**

**Радуйся, благий виновниче безгласия отча; радуйся, слез матери твоея пременение на радость. Радуйся, тоя поношения в людех отъятие; радуйся, великое рождшим тя утешение. Радуйся, яко в шестый месяц о зачатии твоём Пресвятая Дева Мария в Назарете от Ангела известися; радуйся, яко о рождестве твоём мнози возвеселишася. Радуйся, яко имя благодатное от Ангела нареченное, получивый; радуйся, яко именем твоим немотствование отца твоего Захарии разрешися. Радуйся, яко Имя Божие о тебе отцем твоём благословися; радуйся, яко о чуднем рождестве твоём страх и удивление в окрест живущих явися. Радуйся, яко по всей стране Иудейстей о дивнем рождест-**

ве твоём возвестися; радуйся, яко тобою спасение многим в мире сем явися.

**Радуйся, великий Иоанне, Пророче, Предтече и Крестителю Господень.**

### **Кондак 3**

**Сила Вышняго разреши неплодство заматоревшия во днех своих праведныя Елисаветы: зачат бо ты, славный Предтече Господень, и таяшеся месяц пять, глаголющи: яко тако мне сотвори Господь во дни, в няже призре отъяти поношение мое в человецех. Егда же прия Имущую во чреве Христа, исполнися Духа Свята и возопи гласом велиим: “Откуда мне сие, яко прииде Мати Господа моего ко мне!” С Неюже радуящися, взываше Богу: Аллилуиа.**

### **Икос 3**

**Имеяй предъити пред Господем духом и силою Илииною, еще из чрева матере твоея исполнился еси Духа Святаго, отонудуже и Пророк дивный показался еси, егда во утробе матере твоея сый, възыгрался еси радощами пришествию Матере Господни. Бога бо познал еси носима в ложеснах Благодатный и Того матерним гласом проповедал еси: подобаше бо Божественных вещей преславным быти началом. Сему убо благоговейно удивляющесея, с радостию тебе вопием:**

**Радуйся, еще во утробе матерней предпославшаго ты Господа чудным веселием предъявивый; радуйся, яко тебе ради и матери твоей Елисавете воплощение Христово открыся. Радуйся, яко и та исполнися Духа Свята; радуйся, яко и она предивная пророчица явися. Радуйся, яко от нея Пресвятая Дева Мария Блаженною в женах наречесея; радуйся, яко тою Она и Материю Господа наименовася. Радуйся, яко и безсемянный плод Тоя Благословенным про-**

наречеся; радуйся, Премудросте Божественная предъявление. Радуйся, святого супружества благословение; радуйся, неплодных ложесн дивное прозябение. Радуйся, рождением твоим удививый люди; радуйся, светлый Слова гласе.

**Радуйся, великий Иоанне, Пророче, Предтече и Крестителю Господень.**

#### **Кондак 4**

**Бурею сомнения смущенный, иерей Захария не можаше, по словеси ангельскому, проглаголати. Егда же по рождестве твоём Предтече Господень, написа благодатное имя твоё, абие отверзошася уста и язык его, и глаголаше, благословя Бога, и пророчества, глаголя: Благословен Господь Бог Израилев, яко посети и сотвори избавление людем Своим, и ты, отроча, Пророк Вышняго наречешися, поя Тому: Аллилуиа.**

#### **Икос 4**

**Слышаша окрест живущии людие о преславном и чудном рождестве твоём, со удивлением глаголаху в себе: “Что убо отроча сие будет?” Мы же тя, преславный Предтече Господень, яко больша всех рожденных женами, достойно чтуще, ублажаем сице:**

**Радуйся, от зачатия твоего благодатных явлений исполненный; радуйся, в рождестве твоём Богом прославленный. Радуйся, во младенчестве твоём от отца твоего Пророком Вышняго нареченный; радуйся, во отрочестве твоём Духом Святым просвещенный и укрепленный. Радуйся, Бога воплотившегося сродник по плоти бывый; радуйся, от Бога высокое звание Предтечи и Крестителя приемый. Радуйся, заре, свет новый миру возвестившая; радуйся, звезде, путь, ведущий ко Христу, осветившая. Ра-**

дуйся, деннице Солнца незаходимаго; радуйся, светильниче Света неугасаемаго. Радуйся, путь грядущему Христу уготовляяй; радуйся, ангела и человека в себе являяй. Радуйся, великий Иоанне, Пророче, Предтече и Крестителю Господень.

### Кондак 5

**Б**огопротивное веление беззаконнаго детоубийцы Ирода изгна тя из дому отча в непроходную пустыню, носима материю, Предтече Господень, идеже и пребывал еси до дне явления твоего ко Израилю, ядый акриды и мед дивий и Богу вопия: Аллилуиа.

### Икос 5

**В**идяще дивное Божие о тебе промышление, Иоанне богохвальне, яко от младенческих пелен постническаго жития любитель показался еси, отнюдуже волею Вышняго послан был еси проповедати людем грядущее во Христе спасение. Сего ради со удивлением и любовью тебе взываем:

Радуйся, яко, еще младенец сый, царя Ирода устрашил еси; радуйся, от напраснаго убиения тем десницею Вышняго сохраненный. Радуйся, пустыни шипок благовонный; радуйся, высотой подвигов твоих всех удививый. Радуйся, праваго пути верный указателю; радуйся, чистоты и целомудрия предивный хранителю. Радуйся, евангельскаго самоотвержения образе совершенный; радуйся, монашествующих покрове и утверждение. Радуйся, богословствующих умов просвещение; радуйся, грешным милосердия Божия двери отверзаяй. Радуйся, кающимся грешником от Господа прощение подаваяй; радуйся, плоды достойны покаяния творити помогай.

Радуйся, великий Иоанне, Пророче, Предтече и Крестителю Господень.

## Кондак 6

**Проповедник славный ты, божественный Предтече, показался еси в пустыни Иорданстей во дни явления Христа Бога миру. Сего бо, Грядущаго к тебе, показал еси людем, глаголя: се, Агнец Божий, вземляй грехи мира; Егоже мы верою познавше, поем Ему: Аллилуиа.**

## Икос 6

**Возсиял еси свет истины, Иоанне богопросвещение:, всем являяй Славы Отчия сияние, явльшееся плотски нас ради. Вопиял бо еси в пустыни людем: “Покайтесь, приближи бо ся Царствие Небесное: сотворите плоды достойны покаяния. Се бо грядет по мне, Иже крестит вы водою и духом”. Сего ради похвальная тебе вопием:**

**Радуйся, пришествия Мессии возвестителю; радуйся, путей Господних уготователю. Радуйся, ветхия и новыя благодати ходатаю; радуйся, пророков пределе и начало апостолов. Радуйся, гласе Слова благознаменитый; радуйся, покаяния проповедниче велегласный. Радуйся, многих сынов Израилевых ко Господу обративый; радуйся, люди совершенны Господеви уготовавый. Радуйся, фарисеев и саддукеев дерзновенно обличивый; радуйся, плоды достойны покаяния творити научивый. Радуйся, просвещения духовнаго указателю; радуйся, ищущим предстательства твоего неусыпный заступниче.**

**Радуйся, великий Иоанне, Пророче, Предтече и Крестителю Господень.**

## Кондак 7

**Хотящу от тебе креститься Господу Иисусу, Иоанне богоблаженне, глаголал еси: “Аз требую Тобою креститься”, обаче повинуюся, рекшу Тому: “Остави ныне”, воздвигл**

еси десницу твою на главу Его и, крестив не требующаго очищения, вопиял еси: Аллилуиа.

### Икос 7

**Н**овую подал благодать креститися изволивый от тебе Господь, сподоби тя Духа пришествие видети и глас Отческий с Небесе, свидетельствующий Его Сыновство, слышати. Отнюдуже в Триех Лицах Единому Богу поклонятися нас научил еси, Егоже бренными прославляюще устнами, в похвалу сия; тебе приносим:

**Р**адуйся, Троического Богоявления первый проповедниче; радуйся, в Триех Лицах Единого Бога истинный поклонниче. Радуйся, Духа Святаго в виде голубине яснозрителю; радуйся, снисхождения Его от Отца на Сына свидетелю. Радуйся, гласа с Небесе от Бога Отца слышателю; радуйся, явление любви Отчи к Сыну созерцателю. Радуйся, Сына Божия избранный Крестителю; радуйся, воли Его святых исполнителю. Радуйся, славного служения спасению рода человеческого ревностный рачителю; радуйся, великаго Таинства Крещения первый совершителю. Радуйся, Божественных радости вестниче; радуйся, Нового Завета первый учителю.

**Р**адуйся, великий Иоанне, Пророче, Предтече и Крестителю Господень.

### Кондак 8

**С**транное и неизреченное смирение воплотившагося Бога Слова видево, богоблаженне Крестителю, Божественную Свою главу приклонивша и рабское крещение приемша, ты и сам весь исполнился еси великаго смирения. Испроси убо боголюбезную добродетель сию и нам, одержимым гордостью, яко да от сердца смиренна вопием ему: Аллилуиа.



## Икос 8

**В**есь благодатных дарований исполненный, течение временная жизни скончавая, Иоанне богознамените, всех поучал еси исполнением Закона и покаянием благоугождати Господеви. Сего ради благодарственное хваление тебе, великому учителю истины, воспеваем:

**Р**адуйся, Закона и оправданий Господних насадителю; радуйся, Иродова беззакония обличителю. Радуйся, о исправлении того рачителю; радуйся, правды ради темничное заключение и узы претерпевый. Радуйся, за истину во главу усеченный; радуйся, яко тело твое от учеников твоих честно погребесе. Радуйся, яко Божиим смотрением глава твоя нетленна соблюдесе; радуйся, яко та на утешение, освящение и цельбы христианом дадесе. Радуйся, яко и деснице твоей, крестившей Господа, вернии благочестно поклоняются; радуйся, яко от тебе многая чудеса теми доньше совершаются. Радуйся, яко тобою вернии от страстей безчестия избавляются; радуйся, яко тобою грешнии к покаянию воздвизаются.

Радуйся, великий Иоанне, Пророче, Предтече и Крестителю Господень.

## Кондак 9

**В**се естество ангельское удивися высоте служения твоего, и Церковь благоговейно прославляет тя, яко друга Христа Бога, предшедшаго пред Ним духом и силою Илииною. Ревнуя бо по истине, дерзновенно обличал еси фарисеев и беззаконнаго Ирода, от него же и мученическую кончину приял еси. Поклоняющесе убо честней главе твоей, молимся ти: избави нас от страстей безчестия, да чистым сердцем и усты поем: Аллилуиа.

## Икос 9

**В**етийство всякое земнородных не довлеет достойно восхвалити тя, Иоанне богохвальне: тебе бо уста Христова похвалиша, высша пророков и больша всех рожденных женами тя наименоваша. Отнюдуже достойную похвалу принести тебе недоумевающе, вопием ти сицевая:

**Р**адуйся, Церкви Христовы великая славо; радуйся. Ангелов предивное чудо. Радуйся, праотцев радость и прославление; радуйся, пророков высокая похвало. Радуйся, апостолов богосветлый венче; радуйся, святителей велеlepая красото. Радуйся, мучеников в новой благодати начало; радуйся, преподобных совершение. Радуйся, праведных удобрение; радуйся, девственников и постников основание. Радуйся, всех христиан великое утешение; радуйся, яко от всех христианских родов имя твое прославляется.

**Р**адуйся, великий Иоанне, Пророче, Предтече и Крестителю Господень.

## Кондак 10

**С**пасти мир Пришедшаго во плоти Христа Бога благовестил еси и сущим во аде, якоже бо денница, предходящая солнцу, осветил еси во тьме и сени смертней сидящих. Отнюдуже вскоре Господем изведен был еси со всеми от века праведными, поя Ему, яко Избавителю и Победителю смерти: Аллилуиа.

## Икос 10

**С**тена еси и прибежище спасительное всем, молитвенно к тебе притекающим, божественный Иоанне. Сего ради песньми похвальными ублажаем тя сице:

**Радуйся, мощный заступниче наш и верный от бед хранителю; радуйся, злостраждущих от духов злобы скорый помощниче и избавителю. Радуйся, неплодствующим благословение от Бога низпосылай; радуйся, притекающих к тебе с верою от треволнения страстей избавляяй. Радуйся, во вражде сущих скоро умиротворяяй; радуйся, во всякой нужде и печали усердно притекающим к тебе скорую помощь подаваяй. Радуйся, благодетельных от самообольщения и прелести изымаяй; радуйся, вручающим себе твоему ходатайству в час смертный помогай. Радуйся, любящих тя от воздушных мытарств предстательством твоим свободяяй; радуйся, почитающих славную память твою вечныя жизни молитвами твоими сподобляяй. Радуйся, нищих и вдовиц и сирот заступление; радуйся, по Бозе и Богородице христианом прибежище и упование.**

**Радуйся, великий Иоанне, Пророче, Предтече и Крестителю Господень.**

### **Кондак 11**

**Пение всякое не довлеет по достоянию доблестей твоих восхвалити тя, Крестителю Господень. Но мы, любовию понуждени, дерзаем воспевати величия твоя, еже милостивно прими от нас, первостоятелю у Престола Пресвятыя Троицы, и моли свободитися нам от всякия скверны греховныя, да чистым сердцем и устнами поем Богу: Аллилуиа.**

### **Икос 11**

**Светильника Света неприступнаго и всесветлых благодатных дарований всего исполнена ты, Иоанне богопросвещенне, ведуще, радостно приносим ти таковая:**

**Радуйся, самовидче озарившаго тя свыше Божественнаго Света; радуйся, светом добродетелей твоих прославивый**

Бога. Радуйся, Пресвятая Троицы велелепую славу явивый; радуйся, правый и дивный путь к Небеси показавый. Радуйся, и сущим во аде Бога, явльшагося во плоти, благовестителю; радуйся, душ праведных, от века в преисподней держимых, возвеселителю. Радуйся, Владыки Христа Бога друже искренний; радуйся, явивый миру Свет истинный. Радуйся, светозарное света евангельского сияние; радуйся, рода христианскаго прославление. Радуйся, Совета Божия исполнение; радуйся, яко от восток солнца даже до запад хвально имя твое.

**Радуйся, великий Иоанне, Пророче, Предтече и Крестителю Господень.**

### **Кондак 12**

**Благодати тезоименитый Крестителю Господень и тою обогатився, победоносец преславный показался еси: победил бо еси враги и всякую злобу и великое служение твое мученическим подвигом запечатлел еси. Ныне же, предстоя Престолу Царя царствующих, моли его даровати верным победы на враги и во всем благопоспешение, в добродетелех же благодатное укрепление, поющим ему: Аллилуиа.**

### **Икос 12**

**Поюще Бога, дивно в тебе прославльшагося, хвалим тя, богоблаженне Крестителю, яко искренняго друга Христова, прославляем великия подвиги твоя, ублажаем мученическую кончину твою и сицевая радостно вопием ти:**

**Радуйся, вселенский апостоле и Новаго Завета первомучениче; радуйся, явлением Христа на земли открывшагося Царствия Небеснаго первый проповедниче. Радуйся, языков Божественное призвание предвозвестивый; радуйся, безвестная и тайная премудрости Божия миру явивый.**

**Радуйся, божественными деянии плодоносен паче иных явивыйся; радуйся, яко светом дел твоих прославися Отец Небесный. Радуйся, яко о памяти твоей Церковь Христова веселиши неизреченно; радуйся, яко ныне вечнаго наслаждаешися веселия изобильно. Радуйся, божественными лучами Трисолнечнаго Света осияваемый; радуйся, яко со безплотными Трисвятую песнь Богу немолчно вопиеши. Радуйся, яко ныне, зеркалом разрешшимся, несредственно зриши Святую Троицу.**

**Радуйся, великий Иоанне, Пророче, Предтече и Крестителю Господень.**

### **Кондак 13**

**О великий и преславный Предтече и Крестителю Господень Иоанне, прими от нас ныне приносимое тебе моление и твоими богоприятными к Богу молитвами избави нас от всякаго зла, и вечныя изми муки, и наследниками Царствия Небеснаго содей, да во веки поем Богу: Аллилуиа. Трижды.**

### **Икос 1**

**Архангел Гавриил, предстояй пред Богом послан бысть к иерею Захарии, егда той служба по чину чреды своея, вниде покадити в церковь Господню, и, представ одесную алтаря кадилаго, благовествоваше о твоём рождестве, великий Иоанне, возвещая Захарии радость и веселие и яко мнози о рождестве твоём возрадуются. Сего ради и мы, дивному о тебе Божию благоволению чудящися и радующися, со благоговением в похвалу тебе вопием:**

**Радуйся, Совета Божия неизреченного таинниче; радуйся, дивнаго смотра Его исполнение. Радуйся, прежде лет многих пророчеством Исаии проявленный; радуйся, вестниче пред лицом Господним, древне прореченный. Радуй-**

ся, предназначенный быти великим пророком Вышняго; радуйся, по обетованию Ангела рожденный. Радуйся, еще во чреве матери твоея Духа Святаго исполненный; радуйся, прежде рождества твоего на великое служение извещенный. Радуйся, неплодства родителей разрешение; радуйся, иерея Божия радость и веселие. Радуйся, дочери Аароновы прозябение; радуйся, плод молитвы Богодарованный.

**Радуйся, великий Иоанне, / Пророче, Предтече и Крестителю Господень.**

### **Кондак 1**

Избранный от лет древних быти Предтечею и Крестителем Спасителя мира Христа Бóга, / Иоáнне богохвáльне, прославляюще прославльшаго тя Гóспода, / похвáльная воспитуем ти, яко большему всех рожденных женами, / во плоти ангелу, покаяния проповéднику. / Ты́ же, я́ко имéяй велие дерзновение ко Гóсподу, / от вся́ких бéd свобожда и к покаянию воздвизай нас, любовью тебе зовúщих: //

**Рáдуйся, великий Иоáнне, Пророче, Предтече и Крестителю Госпóдень.**

### **Молитвы Иоанну Предтече**

#### **Молитва первая**

Крестителю Христов, честный Предтече, крайний пророче, первый мучениче, постников и пустынников наставниче, чистоты учителю и ближний друже Христов! Тя молю, и тебе прибегая не отрини мене от твоего заступления, не остави мя падшего многими грехи; обнови душу мою покаянием, яко вторым крещением; очисти мя, грехи оскверненного, и понуди внити, иможе ничтоже скверно входит, в Царствие Небесное. Аминь.

#### **Молитва вторая**

Крестителю Христов, проповедниче покаяния, кающагося не презри мене, но совокупляясь с вои Небесными, молися ко Владыце за мене, недостойного, унылаго, немощного и печального, во многия беды впадшаго, утружденного бурными помыслами ума моего. Аз бо есмь вертеп злых дел, отнюдь не имеяй конца греховному обычаю, пригвожден бо есть ум мой земным вещем. Что сотворю? Не вем. И к кому прибегну, да спасена будет душа моя? Токмо к тебе, святой Иоанне, благодати тезоимените, яко ты пред Господем по Богородице вем больша быти рожденных всех, ты бо сподобился

еси коснуться верху Царя Христа, вземлющаго грехи мира, Агнца Божия. Егоже моли за грешную мою душу, да поне отныне, в первый надесять час, понесу тяготу благую и прииму мзду с последними. Ей, Крестителю Христов, честный Предтече, крайний Пророче, первый во благодати мучениче, постников и пустынников наставниче, чистоты учителю и ближний друже Христов! Тя молю, к тебе прибегаю: не отрини мене от твоего заступления, но возстави мя, низверженнаго многими грехи. Обнови душу мою покаянием, яко вторым крещением, понеже обоего начальник еси: крещением омываяй прародительный грех, покаянием же очищаяй коегождо дело скверно. Очисти мя, грехами оскверненнаго, и понуди внити, аможе ничтоже скверно входит, в Царствие Небесное. Аминь.

### Величание:

**Велича́ем** тя,/ Кресті́телю Спасов Иоа́нне,/ и почита́ем всѣ́/ честны́я твоея́ главы́// усекнове́ние.

### Псалом избранный:

**Блажен** муж, бояйся Господа, в заповедех Его восхощет зело./ Слава и богатство в дому Его./ И правда Его пребывает в век века./ В память вечную будет праведник. **Праведник** яко фíникс процветёт, яже ке́др иже в Ливане умно́жится./ Возвеселится праведник о Господе и уповает на него./ Се устнам моим не возбраню, Господи./ Ты разумел еси правду мою и истину мою, и язык мой поучится правде Твоей, весь день хвалé Твоей./ Свет возсия праведнику, и правым сёрдцем веселие./ Род правых благословится./ Славою и честью венчал еси Его./ Яко Ты благословиши праведника, Господи./ Яко оружием благоговения венчал еси нас./ **В** нѣхже посеті́ нас востóк с высоты́,/ явитися во тьме и сени смёртней седя́щим,/ напра́вити ноги наша на путь мірен. Слава, и ныне: Аллилуия: **Трижды.**

**Степенна, 1-й антифон 4-го гласа. Прокимен, глас 4:** Честна пред Гóсподем/ смерть преподóбных его́.

**Слава:** Молі́твами честна́го сла́внаго проро́ка, Предте́чи и Кресті́теля Господня Иоа́нна/ милостивее очісти... **И ныне:** Молитвами Богородицы...

## По 50-м псалме стихира, глас 6:

**П**ляса ученица вселукаваго диáвола/ и главу твою, Предтече, мзду́ взят./ О, пира, исполнена кровей!/ Лучше бе не кля́тися,/ Ироде беззаконне, лжи внúче./ Аще ли же и кля́лся еси́,/ но не о добре кля́лся:/ лучше бе солгавшу жизнь получи́ти,/ неже истинствовавшу главу Предтечеву усéкнути./ Но мы Крестителя, яко в рожденных женами бо́льша, // достойно чтúще, ублажа́ем.

### Песнь 1.

**Ирмос, глас 8:** Воду прошéд яко сýшу,/ и Египетскаго злá избежáв,/ Израильтянин вопи́яше:// Избавителю и Богу нáшему поим.

**Катавасия, глас 8:** Крест начертáв Моисей,/ впрямо жезлом Чермнóе пресечé,/ Израилю пешеходя́щу,/ тоже обратно фараоновым колесни́цам/ удáрив совокупíи,/ вопреки написав непобедимое ору́жие. // Тем Христу поим Богу нашему, я́ко прослáвился.

### Песнь 3.

**Ирмос:** Небéснаго кру́га/ Верхотворче Го́споди,/ и Цéркве Зиждителю,/ Ты мене оутверди в любви́ Твоей,/ желаний краю, верных Утверждéние, // Едíне Человеколю́бче.

**Катавасия:** Жезл во образ та́йны приéмлется,/ прозябением бо предразсужда́ет священника:/ неплодящей же прежде Цéркви,/ ныне процвете дрéво Креста, // в держа́ву и утверждéние.

### Песнь 4.

**Ирмос:** Ты моя Кре́пость, Го́споди,/ Ты моя и Си́ла,/ Ты мой Бог, Ты мое Ра́дование,/ не оставь недра Отча/ и нашу нищету́ посетív./ Тем с пророком Аввакумом зовú Ти:// силе Твоей сла́ва, Человеколю́бче.



**Катавасия:** Услы́шах, Го́споди,/ смотри́ния Твоего та́инство,/ разуме́х дела́ Тво́я/ и просла́вих Твоё Божест-во́.

### Песнь 5.

**Ирмос:** Вскую́ мя отрёну́л еси/ от лица Твоего, Свете Незахо-ди́мый,/ и покры́ла мя е́сть чуждая тьма́ ока́яннаго;/ но обрати́ мя, и к свету за́поведей Твои́х// пу́ти моя напра́ви, молю́ся.

**Катавасия:** О треблаже́нное Дре́во,/ на немже распя́ся Хри-стос, Ца́рь и Госпо́дь,/ Имже паде дре́вом прельсти́вый:/ то-бою прельсти́всья,/ Богу пригвозди́вшуся плóтию,// подающе-му ми́р душа́м нашим.

### Песнь 6.

**Ирмос:** Очи́сти мя, Спа́се,/ мно́га бо беззако́ния моя́,/ и из-глубины́ зол возведи́, молю́ся:/ к Тебе́ бо возопих, и услы́ши мя́,// Бо́же спасе́ния моего́.

**Катавасия:** Воднаго́ зверя́ во утробе́,/ длани́ Иона кресто-ви́дно распросте́р,/ спасительную́ страсть прообража́ше я́ве./ Тем тридне́вен изше́д,/ премирное́ воскресение́ прописа́ше,/ плоти́ю пригвожде́ннаго Христа́ Бо́га,// и тридневным воскре-сени́ем ми́р просвеща́го.

### Кондак Предтечи, глас 5.

Предте́чево сла́вное усекнове́ние,/ смотре́ние бысть некое́ Божество́нное:/ да и су́щим во аде́ Спасово́ проповесть прише́ствие./ Да рыда́ет убо́ Иродиа́,/ беззако́нное убий-ство́ испроси́вши:/ не зако́н бо́ Божий, ни живы́й ве́к воз-любí,// но притво́рный, привре́менный.

### Песнь 7.

**Ирмос:** Божия́ снизхожде́ния/ о́гнь устыде́ся в Вавило́не ино́гда,/ сего́ ради о́троцы в пе́щи,/ радованною́ ного́ю/ яко́ во цветнице́ ликующе́, пояху́:// благословен еси́ Бо́же о́тец наших

**Катавасия:** Безумное велѣние/ мучителя злочестиваго лю́ди поколеба́,/ дышущее прещение и злохуление богомѣрзкое:/ обаче три отроки не устраши ярость звѣрская,/ ни о́гнь снеда́яй,/ но противодышущу росоносному Ду́ху,/ со огнем суще по́яху:// препетый отцев и нас Бо́же, благословѣн еси.

### Песнь 8.

**Ирмос:** Седмери́цею пещь/ халдейский мучи́тель,/ богочестивым неи́стовно разжже́,/ силою же лучшею спасены сия ви́дев,/ Творцу и Избавителю вопи́яше:/ отроцы благословите, священницы воспóйте, // людие превозносите во вся́ веки.

**Катавасия:** Благослови́те, о́троцы,/ Троицы равночи́сленнии,/ содетеля Отца Бо́га,/ пойте снизшедшее Сло́во,/ и огонь в ро́су претво́ршее,/ и превозносите всем жизнь подава́ющаго, // Духа Всесвята́го, во ве́ки.

### Песнь 9.

**Ирмос:** Устраши́ся вся́к слух/ неизреченна Божия снизхожде́ния,/ яко Вышний волею сниде даже и до плóти,/ от Девическаго чрева бы́в Человек. // Темже Пречистую Богородицу вѣрнии велича́ем.

**Катавасия:** Таин еси, Богоро́дице, ра́й,/ невозделанно возрасти́вший Христа́,/ Имже Крестное живоносное на земли насади́ся дре́во,/ тем ныне возно́симу // поклоняющеся ему Тя велича́ем.

## Глас VIII. Подобен: О преславнаго чудесе!

Излож. Г.Смирнова

- ① Хвалите Его на силах Его, / хвалите Его по множеству величества Его.  
 ② Хвалите Его во гласе трубнем, / хвалите Его во псалтири и гуслех.

С.  
А.

О пре-слав-на-го чу-де-се! свя - щенную главу и ангелом

го - вей - ну - ю, не-чистая блудница носаше от-ро-ко-ви -

ца, об - личившую деяние беззаконно, прелюбодей - це ма - те - ри

при-не-се. О, не-из-ре-чен - на - го Твоего терпения, Члове - ко -

люб - че! Им - же, Хри - сте спаси ду - ши на - ша,

я - ко Е - дин Бла - го - е - тро - бен.

T.  
B.

3 Хвалите Его в тимпане и лице, / хвалите Его во струнах и органе.

О И - ро - до - ва о - ка - ме - не - ни - я! О - безчестивый Бога

законными пре - сту - пень - ми, клят - вы соблюдением лестне

ли - це - мерст - ву - ет, и к прелюбодеянию убийство прилагает, сетовати

тво - рай - ся. О, не - из - гла - го - лан - на - го Твоего милосердия

Вла - ды - ко! Им - же, Хри - сте спаси ду - ши на - ша,

Я - ко Е - дин Бла - го - у - тро - бен.

- ④ Хвалите Его в кимвалех доброгласных, хвалите Его в кимвалех восклицаня. /  
 Всякое дыхание да хвалит Господа.

О па - че у - ма у - див - ле - ни - я! Про - роков печать, зем - ный

ан - гел блуд - ному плясанию по - ка - зу - ет - ся це - на

бо - гословный язык, предпосылается и сущим во аде Христов про - воз -

вест - ник. О, не - ска - зан - на - го Твоего промысления, Вла -

ды - ко! Им - же, Хри - сте, спа - си ду - ши на - ша,

Я - ко Е - дин Бла - го - у - тро - бен.

## НА ХВАЛИТЕХ СТИХИРЫ, ГЛАС 8:

**Подобен: О** преславнаго чудесе!

**1. Стих:** Хвалите Его на силах Его, / хвалите Его по множеству величества Его.

**2. Стих:** Хвалите Его во гласе трубнем, / хвалите Его во псалтири и гуслех.

**О** пресла́внаго чудесе! / Священную главу, и ангелом говейную, / нечистая блудница ношаше отрокови́ца, / обличившую деяние беззакóнно, прелюбодейце ма́тери принесе́. / **О** неизрече́ннаго Твоего терпения Человеколю́бче! / Имже, Христе, спаси души на́ша, // я́ко Един Благоутро́бен.

**[Дважды]**

**3. Стих:** Хвалите Его в тимпане и лице, / хвалите Его во струнах и органе.

**О** Иродова окаменения! / Обезчестивый Бога законными преступлénьми, / клятвы соблюдением лестне лицемерствует, / и к прелюбодеянию убийство прилагает, сетовати творяйся. / **О** неизглаго́ланнаго Твоего милосердия Влады́ко! / Имже Христе спаси души наша, // я́ко Един Благоутро́бен.

**4. Стих:** Хвалите Его в кимвалех доброголасных, хвалите Его в кимвалех восклицаня. / Всякое дыхание да хвалит Господа.

**О** паче ума удивления! / Пророков печать, земный а́нгел, / блудному плясанию показу́ется цена, / богословный язык, предпосылается и сущим во аде Христов провозвестник. / **О** несказаннаго Твоего промышления Влады́ко! / Имже, Христе, спаси души наша, // я́ко Един Благоутро́бен.

**«Слава» – глас 6:**

**Паки** Иродиа бесится, паки смущается./ О плясания лъстивнаго, и пира с лэстию!/ Креститель усека́шеся,/ и Ирод смуща́шеся./ Молитвами, Господи, Твоего Предте́чи, // мир пода́ждь душам на́шим.

**«И ныне» – Богородичен:**

**Богородице**, Ты еси лоза и́стинная,/ возрастившая нам пло́д живота,/ Тебе молимся молися Влады́чице,/ со святыми апо́стола, // поми́ловатися душам на́шим.

**По Славословии, Тропарь Предтечи, глас 2:**

**Па́мь** праведнаго с похвала́ми,/ тебе́ же довлеет свидетельство Господне, Предте́че:/ показа́л бо ся еси воистинну и пророков честне́йший,/ я́ко и в струях крестити сподобился еси Пропове́даннаго./ Те́мже за истину пострадав ра́дуясь,/ благовести́л еси и сущым во аде Бога явльшагося плóтию./ Взёмлющаго грех ми́ра, // и подающаго нам велию ми́лость.

**«Слава и ныне» – Богородичен, глас тойже:**

**Вся** паче смы́сла,/ Вся преславная Твоя, Богородице, та́инства,/ чистоте́ запечатанной, и девству храни́му,/ Ма́ти позналася еси нелóжна,/ Бо́га рождши и́стиннаго; // Того моли спастися душам на́шим.

## НА ЛИТУРГИИ:

Блаженна от канона 1-го, песнь 3-я, на 4: и 2-го, 6-я на 4.

По входе [в Крестовоздвиженском храме]:

Тропарь, глас 8:

Спаси Гóсподи лю́ди Твоя́,/ и благослови досто́яние  
Твое́,/ победы православным христианом на сопротивныя  
да́руя, // и Твое сохраняя Крестом Твоим жи́тельство.

Тропарь Предтечи, глас 2:

Па́мьять праведнаго с похвала́ми,/ тебе́ же довлеет свиде-  
тельство Господне, Предте́че:/ показа́л бо ся еси воистин-  
ну и пророков честне́йший,/ я́ко и в струях крестити спо-  
добился еси Пропове́даннаго./ Те́мже за истину пострадав  
ра́дуясь,/ благовести́л еси и сущим во аде Бога являшаго-  
ся плóтию./ Взéмлющаго грех ми́ра, // и подающаго нам ве-  
лию ми́лость.

Слава: Кондак Предтечи, глас 5.

Предтечево славное усекновéние,/ смотрение бысть некое  
Божéственное:/ да и сущим во аде Спасово проповестъ  
прише́ствие./ Да рыда́ет убо Иродиа́,/ беззако́нное убий-  
ство испроси́вши:/ не зако́н бо Божий, ни живый вéк воз-  
люби́, // но притво́рный, привре́менный.

И ныне: Кондак, глас 4:

Вознесыйся на Крест во́лею,/ тезоимени́тому Твоему но-  
вому жи́тельству,/ щедроты Твоя даруй Христе Бо́же,/   
возвесели́ силою Твоею верныя лю́ди Твоя́,/ победы дая  
им на сопоста́ты,/ посóбие имущим Твое, оружие ми́ра, //   
непобедимую победу.

**Прокимен, глас 7:** Возвеселится праведник о Господе,/ и  
уповает на Него. **Стих:** Услыши, Боже, глас мой, внегда  
молити ми ся к Тебе.



**Аллилуиа, глас 4: Праведник яко финикс процветет, яко кедр иже в Ливане, умножится.**

**Причастен: В** память вечную будет праведник: от слуха зла не убоится.

На трапезе утешение братии, кроме сыра и яиц и рыбы. Ядим же дважды днем, аще среда, или пятък.

## МОЛЕБНОЕ ПЕНИЕ

### о страждущих недугом винопития или наркомании

**Диакон: Благослови, владыко.**

**Священник: Благословен Бог наш, всегда, ныне и присно, и во веки веков.**

**Лик: Амѣнь.**

**Диакон: Слава Тебе, Боже наш, слава Тебе.**

**И мы: Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.**

**Таже чтец:**

**Святыи Боже, Святыи Крепкий, Святыи Безсмертный, помилуй нас. Трижды.**

**Слава, и ныне:**

**Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради. Господи, помилуй, трижды.**

**Слава, и ныне:**

**Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.**

**Священник: Яко Твое есть царство, и сила, и слава, Отца, и Сына, и Святаго Духа, ныне и присно, и во веки веков.**

**Чтец: Амѣнь. Господи, помилуй, 12.**

**Слава, и ныне:**

**Приидите, поклонимся Цареву нашему Богу.**

**Приидите, поклонимся и припадём Христу, Цареву нашему Богу.**

**Приидіте, поклонімся и припадём Самому́ Христу́, Царéви и Бо́гу на́шему.**

**И псалом 26:**

**Госпо́дь просвещéние моé и Спасітель мой, когó убою́ся? Госпо́дь Защи́титель живота́ моего́, от когó устрашúся? Внегда́ приближа́тися на мя злóбующим, éже снёсти плóти моя́, оскорбля́ющихи мя, и врази́ мой, ти́и изнемого́ша и падо́ша. Аще ополчи́тся на мя полк, не убой́тся сёрдце моé, а́ще воста́нет на мя брань, на Него́ аз упова́ю. Еди́но проси́х от Го́спода, то възыщú: éже жи́ти ми в дому́ Господни́ вся дни живота́ моего́, зрёти ми красоту́ Господню́, и посещáти храм святы́й Его́. Яко скры́ мя в селéнии Своём, в день зол мо́их, покры́ мя в та́йне селéния Своего́, на ка́мень вознесе́ мя. И ны́не се вознесе́ главу́ мою́, на враги́ моя́: обыдо́х, и пожро́х в селéнии Его́ жёртву хвалéния и воскликновéния, пою́ и воспою́ Го́сподеви. Услы́ши, Го́споди, глас мой, íмже воззва́х: поми́луй мя, и услы́ши мя. Тебе́ рече́ сёрдце моé: Го́спода възыщú. Взыска́ Тебе́ лице́ моé, лица́ Твоего́, Го́споди, възыщú. Не отврати́ лица́ Твоего́ от мене́, и не уклони́ся гнёвом от раба́ Твоего́: помóщник мой буди, не отрини́ мене́, и не оста́ви мене́, Бо́же Спасітелю́ мой. Яко отéц мой и ма́ти моя́ оста́виста́ мя, Госпо́дь же воспри́ят мя. Законоположи́ ми, Го́споди, в пути́ Твоем, и наста́ви мя на стезю́ правую́ враг мо́их ра́ди. Не преда́ждь мене́ в ду́шы стужа́ющих ми, я́ко воста́ша на мя свидéтеле неправедни́и, и солга́ неправда́ себе́. Вéрую видети́ благáя Господня́ на землі́ живы́х. Потерпи́ Го́спода, мужáйся, и да крепі́тся сёрдце твоé, и потерпи́ Го́спода.**

**Сла́ва, и ны́не:**

**Аллилу́ия, аллилу́ия, аллилу́ия, сла́ва Тебе́, Бо́же. Трíжды.**

**Та́же диа́кон глаго́лет ектению́:**

**Мíром Го́споду помóлимся.**

**Лик: Го́споди, поми́луй.**

**О свы́шнем мíре и спасéнии душ на́ших, Го́споду помóлимся.**

**Лик: Го́споди, поми́луй.**

**О мíре всего́ мíра, благостоя́нии Святы́х Бо́жих Церквёй и соединéнии всех, Го́споду помóлимся.**

**Лик: Го́споди, поми́луй.**

**О святём хра́ме сем, и с véрою, благоговéнием и стра́хом Бо́жим входя́щих вонь, Го́споду помóлимся.**

**Лик: Го́споди, поми́луй.**

**О** великом господине и отце нашем Святэйшем Патриархе Кирилле, и о господине нашем высокопреосвященнейшем митрополите (**или́:** архиепископе, **или́:** преосвященнейшем епископе) **имярек**, честнем пресвитерстве, во Христе диаконстве, и о всем причте и людех, Господу помóлимся.

**Лик:** Господи, помилуй.

**О** богохранимей стране нашей, властех и воинстве ея, Господу помóлимся.

**Лик:** Господи, помилуй.

**О** граде сем (**или́:** о веси сей, **или́:** о святэй обители сей), всяком граде, стране и véрою живущих в них, Господу помóлимся.

**Лик:** Господи, помилуй.

**О** благорастворении воздухов, о избобилии плодов земных и временех мирных, Господу помóлимся.

**Лик:** Господи, помилуй.

**О** плавающих, путешествующих, недугующих, страждущих, плененных, и о спасении их, Господу помóлимся.

**Лик:** Господи, помилуй.

### **Прилагает и сия́:**

**О** еже призрети милостивно на рабов Своих **имярек**, страждущих душею и телом, и разрешити их от уз смертоносныя страсти, Господу помóлимся.

**Лик:** Господи, помилуй.

**О** еже избавити от пагубныя страсти винопития (**или́:** наркомании) и соблюсти спасительным страхом в чистоте, воздержании и правде души страждущих рабов Своих **имярек**, Господу помóлимся.

**Лик:** Господи, помилуй.

**О** еже посетити рабов Своих **имярек** благодатию Святаго Духа, и избавити их от греха сего, в них гнездящагося, Господу помóлимся.

**Лик:** Господи, помилуй.

**О** еже низпослати рабом Своим **имярек** духа премудрости и разума и всадити в сердца их страх божественный, Господу помóлимся.

**Лик:** Господи, помилуй.

**О** еже подати им силу препобедити пагубную страсть и припасти к Богу в покаянии, да причастницы благ вечных будут, Господу помóлимся.

**Лик:** Господи, помилуй.

**О** срóдницех их и знаемых, плачущих и болéзнующих, чающих Христо́ва утешéния, и о е́же прияти моли́твы их и воздыхáния, Го́споду помóлимся.

**Лик:** Го́споди, помíлуй.

**О** избáвиться íмже и нам от вся́кия скóрби, гнéва и нúжды, Го́споду помóлимся.

**Лик:** Го́споди, помíлуй.

**Заступí, спасí, помíлуй и сохрани́ нас, Бо́же, Твоею́ благодáтию.**

**Лик:** Го́споди, помíлуй.

**Пресвяту́ю, Пречíстую, Преблагословéнную, сла́вную Влады́чицу на́шу Богороди́цу и Присноде́ву Мари́ю со все́ми святы́ми помяну́ше, са́ми себé и друг дру́га, и весь живóт наш Христу́ Бо́гу предади́м.**

**Лик:** Тебé, Го́споди.

#### **Священник возглашает:**

**Яко** мíлостив и человеколю́бец Бог еси́, и Тебé сла́ву возсыла́ем, Отцу́, и Сы́ну, и Свято́му Ду́ху, ны́не и прíсно, и во ве́ки веко́в.

**Лик:** Ами́нь.

#### **И áбие диа́кон глаго́лет во глас 4:**

**Бог** Госпо́дь, и яви́ся нам, благословéн Гряды́й во Имя Госпо́дне.

**Стих 1:** Испове́дайтесь Го́сподеви, я́ко Благ, я́ко в век мíлость Его́.

**Стих 2:** Обыше́дше, обыдо́ша мя, и Именем Госпо́дним противля́хся им.

**Стих 3:** Не умру́, но жив бу́ду, и пове́м дела́ Госпо́дня.

**Стих 4:** Ка́мень, егóже небрего́ша зи́ждущии, сей бысть во главú у́гла: от Го́спода бысть сей, и есть дíвен во очесéх на́ших.

**Лик:** Бог Госпо́дь... **во глас 4, к коемúждо стиху́.**

## Та́же тропа́рь, глас 4:

**С**ко́рый в заступле́нии еди́н сый, Христе́,/ ско́рое свы́ше покажи́ посещение стра́ждущим рабо́м Твои́м,/ изба́ви их от недуг и страсте́й,/ приведи́ их ко спаси́тельному воздержáнию,/ и воздвигни к жи́зни ве́чной в любви́ к Тебе́,/ во е́же пе́ти Тя и сла́вити непреста́нно, // моли́твами Бого-ро́дицы, еди́не Человеколю́бче.

«Сла́ва, и ны́не» – **глас то́йже:**

**Тропа́рь ико́не Бо́жия Ма́тере, имену́емой «Неупивáемая Ча́ша»**

**Д**несь притеце́м, ве́рнии,/ к божéственному и пречу́дному о́бразу Пресвяты́я Богома́тере,/ напая́ющия ве́рных серде́ц/ небéсною Неупивáемою Ча́шею Своего́ милосе́рдия,/ и лю́дем ве́рным чудеса́ показу́ющия,/ я́же мы ви́дяще и слы́шаще, духо́вно пра́зднуем и те́пле вопие́м:/ Влады́чице Премíлостивая,/ исцели́ на́ша недуги и стра́сти,/ моля́щи Сы́на Твоего́,/ Христа́ Бо́га на́шего, // спасти́ ду́ши на́ша.

**Диáкон:** **В**онмем. **Премудрость.** **В**онмем.

**Чтец:** **Прокíмен,** глас 4:

**Та́мо бо рука́ Твоя́ наставит мя,/ и удержит мя десни́ца Твоя́.**

**Стих:** **Я**ко Ты созда́л еси́ утробы́ моя́, восприя́л мя еси́ из чре́ва ма́тере моея́.

**Диáкон:** **Премудрость.**

**Чтец:** **К**о Ефесеем послáния свята́го апóстола Па́вла чтéние.

**Диáкон:** **В**онмем.

**Чтец глаго́лет апóстол ко Ефесеем (зачáло 229):**

**Б**ра́тие, я́ко ча́да све́та ходите: плод бо духо́вный есть во вся́кой благо-сты́ни и правде и и́стине. Искуша́юще, что́ есть благоуго́дно Бо́гови. И не приобщáйтесь к делóм непло́дным тьмы, па́че же и обличáйте. Бывáемая бо óтай от них, сра́мно есть и глаго́лати. Вся же обличáемая, от све́та яв-

лѧются: все бо являемое свет есть. Сего ради глаголет: востани, спяй, и воскресни от мертвых, и осветит тя Христос. Блюдите убо, како опасно ходите, не якоже немудри, но якоже премудри, искупующе время, яко дни лукави суть. Сего ради не бывайте несмысленни, но разумевающе, что есть воля Божия. И не упивайтесь вином, в немже есть блуд: но паче исполняйтесь духом, глаголюще себе во псалмех и пениих, и песнях духовных, воспевающе и поюще в сердцах ваших Господеву.

**Священник:** Мир ти. **Чтец:** И духови твоему.

**Аллилуия, глас 4: Стих:** Помощь моя от Господа, сотворшаго небо и землю. **Стих:** Изведи из темницы душу мою.

**Диакон:** Премудрость, прости, услышим святого Евангелия.

**Священник:** Мир всем. **Лик:** И духови твоему.

**Священник:** От Луки святого Евангелия чтение. **Лик:** Слава Тебе, Господи, слава Тебе.

**Диакон:** Вонмем.

**И чтет священник Евангелие от Луки (зачалю 38):**

Во время оно, пришедшу Иисусу во страну Гадаринску, яже есть об он пол Галилеи. Изшедшу же ему на землю, срете его муж некий от града, иже имяше бесы от лет многих, и в ризу не облачашеся, и во храме не живяше, но во гробех. Узрев же Иисуса, и возопив, припадe к нему, и гласом велиим рече: что мне и Тебе, Иисусе Сыне Бога Вышняго; молюся Ти, не мучи мене. Повеле бо духови нечистому изыти от человека: от многих бо лет восхищаше его: и вязаху его узы железны и пугы, стрегуще его: и растерзая узы, гонимь бываше бесом сквозе пустыни. Вопроси его Иисус, глаголя: что ти есть имя? Он же рече: легион: яко беси мнози внидоша воны. И моляху его, да не повелит им в бездну ити. Бе же ту стадо свиней много пасомо в горе: и моляху его, да повелит им в ты внити, и повеле им. Изшедше же беси от человека, внидоша во свиния: и устремися стадо по брегу в езеро, и истопе. Видевше же пасущии бывшее, бежаша, и возвестиша во граде и в селех. Изыдоша же видети бывшее: и приидоша ко Иисусови, и обретоша человека сидяща, из негоже беси изыдоша, оболчена и смыслаща, при ногу Иисусову: и убояшася. Возвестиша же им видевшии, како спасеся бесновавыйся. И моли его весь народ страны Гадаринския отыти от них, яко страхом велиим одержими беху. Он же влез в корабль, возвратися. Моляшеся же ему муж, из негоже изыдоша беси, дабы с ним был. Отпусти же его Иисус, глаголя: возвратися в дом твой, и поведай, елика ти сотвори Бог. И иде по всему граду проповедавая, елика сотвори ему Иисус.

**Лик:** Слава Тебе, Господи, слава Тебе.

**Таже глаголет диакон ектению:**

Помилуй нас, Боже, по велицей милости Твоей, молим Ти ся, услыши и помилуй.

**Лик:** Господи, помилуй, трижды.

Ещё молимся о великом господине и отце нашем Святейшем Патриархе Кирилле, и о господине нашем высокопреосвященнейшем митрополите (или: архиепископе, или: преосвященнейшем епископе) **имярек**, и о всей во Христе братии нашей.

**Лик: Господи, помилуй, трижды.**

Ещё молимся о Богохранимем стране нашей, властях и воинстве ея, да тихое и безмолвное житие поживем во всяком благочестии и чистоте.

**Лик: Господи, помилуй, трижды.**

#### Прилагает и сия:

Не хотяй смерти грешных, но еже обратитися и живым им быти, пощадити и помилуй рабов Твоих **имярек**, исцели болезни, уврачуй страсти душ и телес их, и, яко благосерд, прости им вся прегрешения вольная и невольная и скоро воздвигни их от пути погибели, молим Ти ся, услыши и помилуй.

**Лик: Господи, помилуй, трижды.**

Призри, Господи, милостивно на рабы Твоя **имярек**, поработенныя пагубною страстию, даруй им познати сладость воздержания и произрастающих от него плодов духовных, молим Ти ся, услыши и помилуй.

**Лик: Господи, помилуй, трижды.**

О еже пощадити рабов Твоих **имярек**, и прости им всякое прегрешение вольное и невольное, показати на них великую Твою милость, избавити от греховнаго пленения и насилия диавольскаго, молим Ти ся, услыши и помилуй.

**Лик: Господи, помилуй, трижды.**

О еже не умерти рабом Твоим **имярек** лютою смертию, но оживотворитися Кровию Твоею Честною и исцелитися от горести, еюже их сопротивник напои, молимся Тебе, Врачу душ и телес, услыши и милостивно помилуй.

**Лик: Господи, помилуй, трижды.**

Яко бесноватаго страны Гадаринския Божественною силою от насилия диавольскаго свободивый, исцели рабов Твоих **имярек**, люте страждущих, молим Ти ся, услыши и помилуй.

**Лик: Господи, помилуй, трижды.**

#### Священник возглас:

Услыши ны, Боже, Спасителю наш, упование всех концев земли, и сущих в мори далече, и милостив, милостив буди, Владыко, о гресех наших, и помилуй ны: Милостив бо и Человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Лик: Аминь.**

**Диакон: Господу помолимся.**

**Лик: Господи, помилуй.**

#### Священник глаголет молитву:

Владыко Господи, сотвори вый человек по образу Твоему и по подобию, и Духа Святаго тому даровавший! Избави падшее создание Твое от работы вражия, отверзи ему двери покаяния, Ангела света послй ему, избавляюща от всякаго навега вражия. Ус-

лыши, Бóже, припадающих к Тебé в скорби и печáли и не отврати лица Твоего от одержимых пагубною страстию винопития (**или: наркомáнии**), но даждь им крепость, надежду, веру, произволение благое утверди и приведи их ко спасительному воздержанию, попали терние согрешений вольных и невольных, да вселится в них благодать Твоя, просвещающая и очищающая всего человека. Исцели их от тяжкаго недуга пьянства (**или: наркомáнии**), свободи от омрачения духовнаго и окаменения сердечнаго. Даруй им здравие душевное и телесное, направи на путь трудолюбия и благочестия. Услыши, Милостивый Господи, вопль родителей и сродников, плачущих о чадах и ближних своих. Твое бо есть еже милovati и спасати ны, Бóже наш, и Тебé славу возсылаем, Отцу, и Сыну, и Святому Духу, ныне и присно, и во веки веков.

**Лик: Амíнь.**

**Диáкон: Премудрость.**

**Священник: Пресвятáя Богородице, спаси нас.**

**Лик: Честнейшую херувим, и славнейшую без сравнения серафим, без исления Бóга Слова рóждшую, сущую Богородицу Тя величаем.**

**Священник: Слава Тебé, Христé Бóже, упование наше, слава Тебé.**

**Лик: Слава Отцу, и Сыну, и Святому Духу, и ныне и присно, и во веки веков. Амíнь.**

**Господи, помилуй, трижды. Благослови.**

**Священник глаголет отпуст:**

**Христос истинный Бог наш, молитвами Пречистой Своей Матере, силою Честнаго и Животворящаго Креста, молитвами святаго мученика Вонифатия, преподобных Марии Египетския и всех святых, помилует и спасет нас, яко Благ и Человеколюбец.**

**Лик: Амíнь. Господи, помилуй, трижды.**

**Утверждено Священным Синодом Русской Православной Церкви  
25.07.2014 (журнал № 80).**